

Clypevs Theologiæ Thomisticæ

Continens Tractatus de Beatitudine, de Actibus humanis, eorumque Moralitate; de Virtutibus ac Donis, de Vitiis ac Peccatis, & de Legibus, nec-non Dissertationem Theologicam de Probabilitate

Gonet, Jean-Baptiste

Parisiis, 1669

§. IX. Solvuntur aliæ instantiæ contra secundam partem conclusionis.

[urn:nbn:de:hbz:466:1-77355](#)

S. IX.

Solvuntur alia instantia contra secundam partem conclusionis.

S. CONTRA secundam partem nostræ conclusionis, in qua diximus implicare contradictionem, quod intellectus creatus videat Deum, per visionem à se non elicitarum, & in eosolùm passivè receptam, sic arguant Adversarij. Potest Deus se solo de potentia absoluta producere visionem beatam, absque concursu & cooperatione intellectus creati: Ergo per illam sic producet, & in intellectu receptam, poterit homo vel Angelus videre Deum; & beatificari formaliter. Consequentiam videtur legitima, Antecedens verò probatur multipliciter. Primo quia Deus potest producere se solò quicquid producitur medià causâ secundâ, ut docet D. Thomas i. p. q. 105. art. 2. his verbis: *Erroneum est dicere, Deum non posse facere per seipsum omnes determinatos effectus qui sunt per quamcumque causam creatam: At mediante intellectu, elevato per lumen gloriae, potest producere visionem beatam: Ergo & sine illo.*

S. Secundò probatur idem Antecedens: Ideo Deus potest sine igne producere calorem quem medio igne producit, quia eminenter continet illum: At etiam eminenter continet virtutem intellectus creati, quod mediante producit intellectuonem: Ergo pariter potest sine concursu intellectus creati intellectuonem producere.

S. Tertiò: Non minùs dependet intellectus ab anima, quam visio ab intellectu ut principio elicente: Sed Deus potest intellectum producere, absque concursu animæ; sicut & calorem ut octo, qui est passio ignis, absque ignis concursu: Ergo & visionem beatificam, sine concursu intellectus creati producere poterit.

S. Quartò: Verbum, utpote vitale, non minùs pendet ab actione vitali intellectus, quam actione vitali à principio vitali: At potest Deus se solo producere verbum, sine media intellectuon: Ergo & visionem, absque intermedio concursu intellectus creati.

S. Denique probatur: Deus nutritionem & augmentationem, quamvis sint actiones vitales, potest se solo suppleri; potest enim puerum se solo constitui in statu perfecto, & quantitate ipsi debita: Ergo similiter poterit se solo producere visionem beatam, quamvis illa sit actione vitalis essentialiter.

S. Quidam, ut ab his argumentis se expediant, duas formalitates distinguunt in beatitudine formalí, nempe actionis vitalis, & qualitatis; & dicunt Deum non posse se solo producere beatitudinem formalem, ut actione immanens & vitalis est, benè tamen secundum rationem qualitatis.

Verum (praterquam quod hæc solutio insufficiens est ad diluenda argumenta proposita, quæ probant visionem beatam, non solùm in ratione qualitatis, sed etiam in ratione intellectus & actionis vitalis, posse à solo Deo, sine concursu intellectus creati produci, ut consideranti patet) ex supra dictis facilè potest confutari. Licet enim visio beatifica sit qualitas, essentialiter tamen consistit in actuali exercitu intelligendi, seu tendentia actuali exercita ad objectum intelligibile: forma autem seu qualitas

A in exercito actuali intelligendi consistens, non potest, etiam de absoluta Dei potentia, sine concursu intellectus produci, ut variis exemplis supra ostendimus: Ergo visio beatæ, etiam sub ratione qualitatis considerata, non potest à solo Deo sine concursu intellectus creati produci. Hæc ergo solutione pratermissa:

Ad argumentum respondeo negando Antecedens: Ad primam probationem, distinguo Maiorem: Deus potest se solo producere quicquid producitur medià causâ secundâ, si sit purè efficiens, concedo Majorem: si simul sit formalis, nego Majorem: & concessâ Minoris, nego Consequentiam: quia intellectus non solùm est causa efficiens, sed etiam formalis extrinseca respectu intellectuonis, qua à principio vitali speciem submittit.

Vel secundò, respondeo veram esse majorem de illis effectibus, qui non habent dependentiam essentiali ab aliqua causa, secus verò de illis qui essentialiter ab aliqua causa dependent, quia Deus non potest essentialias rerum destruere: visio autem beatifica, cum sit actio vitalis, essentialiter dependet ab intellectu creato. Et potest fieri instantia de generatione, nutritione, augmentatione, & aliis actionibus de prædamento actionis, quas Deus nequit se solo producere. Unde

Ad secundam probationem dicendum est, 60. Deum non ideo tantum posse sine igne producere calorem, quem unà cum illo producit, quia eminenter illum continet, sed etiam quia calor non dependet essentialiter ab igne.

Ad tertiam respondet Montesino, negando Minorem, quæ assertit Deum posse intellectum producere absque concursu animæ; & rationem assignat, quia implicat intellectum existere & non habere vitam; tota autem vita potentiarum animæ consistit in actuali emanatione ab illa. Hæc solutio probabilitate non carerit.

Meliùs tamen, & conformius ad jam dicta respondet, negando Majorem: intellectio enim, ut supra dicebamus, consistit essentialiter in actuali exercitu intelligendi, unde existere nequit absque intellectu intelligenti exercitu; cùmque intellectus nequeat intelligere, nisi influat activè, consequens sit quod intellectio existere non possit, absque activo influxu intellectus: At verò potentia intellectiva, cùm non consistat in exercitu actuali, existere potest absque radicali principio actu influente; illiusque vitalitas subsistit, per hoc quod perat connaturaliter influxum animæ, etiæ præternaturaliter absque illo existere valeat.

Ad quartam probationem respondeo ex dictis s. i. in resp. ad 3. objectionem, verbum accipi posse dupliciter, propriè scilicet & adæquate, & communiter ac inadæquate: in priori acceptione non solùm importat actualem representationem objecti, sed etiam essentialiter dicit expressionem à principio vitali actu intelligenti, teste D. Thomas i. p. qu. 34. art. 1. ubi ait: *Conceptus cordis de ratione sua habet quod ab alio procedat, scilicet à notitia concipientis;* quare verbum, propriè & adæquate sumptum, sine actuali intellectus concursu produci nequit; quia licet non sit vitale, ut actione, est tamen vitale vitalitate essentiali, consistente in actuali terminacione actus intelligendi: in secunda vero acceptione solùm dicit esse actualem representationem objecti. Quocirca, ut

DE ESSENTIA BEATITUDINIS FORMALIS. 45

ibidem diximus, divina essentia, licet non sit ab intellectu beatorum expressa vel producta, fortitur tamen rationem verbi in visione beata: quia actualissimè seipsum representat intellectui beatorum, & eorum intellectu in actu secundo terminat. Quare si verbum hoc secundo modo accipiatur, fateor quod potest à solo Deo produci, absque influxu & concursu intellectus creatus; non quidem extra intellectum, cùm de illius essentia sit intellectui vitaliter representare objectum; nec in intellectu non intelligenti, ob eandem rationem; sed intra intellectum contemplantem objectum, eti non producentem ipsum verbum: sed inde non sequitur visionem creatam posse pariter à solo Deo produci.

63. Dices: Qualitas illa, producta à solo Deo, non esset ejusdem rationis cum qualitate produceta ab intellectu; cùm ista sit vitalis essentialiter, fœcūs autem illa: Ergo non obtineret rationem verbi.

Respondeo distinguendo Antecedens: non esset ejusdem rationis, comparatione facta ad objectum, nego Antecedens; comparatione facta ad principium, concedo Antecedens: ex quo solum sequitur prædictam qualitatem non esse verbum in adæquata & propria verbi acceptio, non autem illam non habere rationem verbi impropriæ & inadæquatæ sumpti.

64. Instabis: De essentia verbi in quavis acceptio, quod intellectus per illud intelligat: At nequit intellectus per aliquid non vitale intelligere objectum: Ergo aliquid non vitale habere nequit rationem verbi, quomodolibet verbi accipiatur.

Respondeo distinguendo Majorem: per illud intelligat tanquam per formam, nego Majorem; tanquam per medium in quo contemplatur objectum, concedo Majorem: juxta quam distinctionem, Minor argumenti neganda est, simul cum Consequentia.

65. Ad ultimam probationem nego Antecedens: licet enim Deus terminum augmentationis & nutritionis possit se solo producere, nontamen ipsam augmentationem & nutritionem; quæ cum essentialiter sint actiones vitales, à potentia vitali augmentativa & nutritiva pertinet procedere; sicut visio & intellectus à potentia visiva & intellectiva: unde si Deus augeret puerum sine actione virtutis augmentativa & nutritiva, non esset ibi augmentatio, neque nutritio, sed mutatio alterius rationis: quemadmodum si ex digito, vel costa mulieris formaret hominem (sicut in paradiso terrestri ex Adami costa Eym formavit) non esset vera generatio, sed alia mutatio diversæ rationis.

ARTICVLVS II.

Vtrum beatitudo essentialiter consistat in operatione intellectus, vel voluntatis, aut utriusque?

§ I.

Quibusdam premisis, referuntur sententia.

66. Ex dictis articulo præcedenti constat, beatitudinem formalem consistere in operatione aliqua ab ipso beato elicita. Unde cùm non pol-

A sit consistere in operatione partis sensitivæ; quia ut discurrit D. Thomas h̄c art. 3. Beatitudo formalis in affectuonē Beatitudinis objectivæ consistit: Deus autem, qui est nostra beatitudo objectiva, cùm sit bonum spirituale & universalissimum, à nulla potentia sensitiva, sive exteriori, sive interiori, attingi potest: Ergo beatitudo nostra formalis in aliqua operatione vita intellettivæ debet consistere. Sed cujus potentia sit illa operatio, an intellectus, vel voluntatis, aut utriusque? gravis est difficultas, & celebris controversia, præsertim inter Thomistas & Scotistas, quæ non modicum pulveris in utraque schola excitavit. Ceterum ut debita cum claritate procedamus, & viam præcludamus evasionebus quorundam Recentiorum, qui elidunt hujus disputationis intentum, potius quam elucidant, afferentes quæstionem esse de solo nomine, & confundentes statum beatitudinis, cum ejus essentia, seu ratione formalis.

Diligenter obseruandum est, aliud esse loqui de beatitudine quoad statum, & aliud quoad essentiam, seu rationem formalem constitutivam illius: loquendo enim de statu seu perfectione beatitudinis, certum est plures ad illam operationem pertinere, nec solam visionem, nec solum amorem, aut delectationem, ad ipsam concurrere, sed omnia etiam quæ ad reliquias potentias, & naturam subjecti perficiendam & beatificandam conducunt; quia constat in beatitudine potentias tam animæ quam corporis repleri debet omnibus bonis sibi convenientibus & proportionatis, juxta illud Psal. 102. *Quis replet in bonis desiderium tuum;* sicut homo in statu perfecto, non solum requirit unionem animæ & corporis, sed etiam debitam quantitatem, pulchritudinem, sanitatem, & alia quæ ad ipsum perficiendum concurrunt. Loquendo vero de essentia & ratione formalis constitutiva beatitudinis, quæstio est primæ, an illa in unicâ tantum operatione, vel in pluribus ponenda sit? Secundò, supposito quod in unica & simplici operatione constat, queritur ad quam potentiam illa pertinet, an ad intellectum, vel ad voluntatem?

Præterea advertendum est, quod cùm quæstio ista sit prorsus metaphysica, & Scriptura, Concilia, & SS. Patres non definiant, quid in operationibus à Beatis elicitis, & ad beatitudinem concurrentibus, se habeat per modum essentie, quidvis per modum proprietatis, & perfectionis concomitantis, aut consequentis; vix aliquid certi haberet potest in hac parte ex autoritatibus Scriptura, Conciliorum, & SS. Patrum, quæ à quibusdam adduci & accumulari solent. Nam Scriptura loca, quibus beatitudo gaudium, delectatio, fructus, aliisque non minibus ad voluntatem spectantibus appellatur, possunt à nobis in sensu causali intelligi & explicari: beatitudo enim est causa perfectissimi gaudii, & summæ delectationis. Vel etiam potest beatitudo dici gaudium, seu delectatio, completivæ: quia essentia beatitudinis per gaudium, ut per sui proprietatem, completer & perficitur, ut docet S. Thomas h̄c art. 4. ubi ait beatitudinem ab Augustino vocari *gaudium de veritate*, quia ipsum gaudium est consummatio beatitudinis. Quando vero in Scriptura, vel SS. Patribus, nominibus ad intellectum pertinentibus declaratur, responderi potest à Scoti Discipulis, formalem beatitudinem vocari præsup-

F iij